

菊菴集卷第七

七言律詩七十四首

駐龍里驛

五十程途卽貴州未應人事此淹留
天涯忽聚同寅友喜際真忘去國憂
一咲春風能送煖平生道路不相讐
華夷混處軍民異四海一家盡我儔

至師宗

師宗南繞豆温鄉崒嶂層盤萬疊蒼
久屬編氓經撫字未應夷性固猖狂
漫誇十歲能騎馬正是終身祗劍鎗
費盡許多規戒語令人傳去只尋常



和王太守二首

蕪湖曾記餞脩程別後無因話舊情
風外忽承雲錦墜眼前俄覺夜光明
朋情已荷敦平日朝雨空嗟隔渭城
欲賦一言酌美意臨筵惶汗久難成

道學曾誇接二程政聲今喜愜民情
祛除奸宄風雷厲剖析寃疑日月明
雨霽有農歌綠野夜昏無犬吠專城
會從政治來徵詔台鼎端教屬老成

栢榔洞撫夷

山洞崎嶇獨據鞍三旬兩度往來間
繁枝屈曲高低樹亂石崔嵬遠近山
薄宦幾時能脫去此心無計得清閒

遠臣雖爲邊疆苦自信愚忠可化蠻

至栢榔洞

栢榔洞裏駐肩輿荆戶蓬窓一草廬
白首向人誇矍鑠黃堂隨處耀旌旗
儘將好語終難化若用奇兵立可除
自是潢池皆赤子 聖恩浩蕩海天如

寫懷

袖拂東風雨後天滿林輕霧雜雲烟
時平勢易誰非傑錯節盤根始識賢
夷虜性情終是別撫綏事體必從權
一尊且向柴門倒緩帶輕裘豈未賢

自昂晟寨回府

陰霧濛濛臘月初，雙旗引馬盛前呼。寒風偏薄征人袂，凍色全消野店醅。豈是黃堂勤遠畧，爲憐赤子困迷途。漫言此地皆夷獠，土着曾曾有士夫。

和贈伊知事二首

蓮幕如君譽蚤馳，叅謀區畫見能爲。仁心每肯隨宜發，勁節何曾徇俗移。羸得閭閻稱父母，好看帷幄出神奇。邊陲疋馬行春處，用夏看看可變夷。

山溪石徑每驅馳，委任惟因有作爲。鷄犬不驚軍令過，風雲無定使旌移。且從知己頻盃酌，豈肯逢人嘆命奇。共向遐方勤撫字，須知教化久陵夷。

和荅王別駕

穎敏才華稟自天，揮毫落紙染雲烟。包荒量大宜居上，報國心懸肯畏邊。清德已爲當道重，賢名豈得野人傳。撫夷向此窮荒地，詩興猶能日共聯。

謝王揮使送檳榔

射虎將軍膽氣剛，撫民共向此夷方。官同金紫心能下，贈有檳榔意更良。嚼共扶留堪辟瘴，功同薏苡解消糧。客邊愧乏瓊瑤報，莫咲儒酸紙半張。

乙丑除夕

去年除夕寓分宜，今歲今宵客廣西。風俗到來分彼此，

人情那問有高低喜看宦邸清如水却笑山翁醉似泥
銀燭高烧方二鼓呼童開篋點朝衣

自嘆

腰金雖沐 聖恩優日與夷民作怨讐撫字儘看深着
意其頑終是不回頭深慚戴白糜官廩常想焚黃向故
丘漫道欲歸歸便得天涯萬里思悠悠

鄭立之寄書未到有感

只說家書抵萬金可堪魚雁竟沉沉懷人偏向愁邊甚
憶舊曾於夢裡尋叢到不勝新歲事焦勞無柰老來心
飄然好脫樊籠去習靜忘機坐石林

祭文廟

月當大壯欣陽長日復丁臨火德明自是 朝廷崇道
學遍將俎豆拜邊民禮因化俗多憎舊樂本成均亦舉
行却憶顯觀不在物只教精一致吾誠

答王臨安二首

先生家世古成都在宦南來仕跡孤道在固知隨處好
詩成端屬大家模豐功已見知 明主厚祿何慚列大
夫別久相思何處切月明夢覺酒醒初

氣味曾誇骨肉親兵曹况復舊同寅仕途出處慚予塞
郡守功名羨子真五載別來成楚越一緘喜見慰鴻鱗

臨風更把閒情寄，便欲歸家理釣綸。

答臨安馬貳守

人物知君重，斗南却隨五馬別。乘驂共憐道大，聊輕試
手。羨才優可遠，軍正喜符同。楚道無由對，面嘆商叅。
臨安山水多清勝，吟眺還從政暇甘。

用韻贈陳節推

宦游聲價重，真南清直如。若孰可驟，理獄已多伸。枉滯
匡時有待，大敷單青山。無限俱吟興，白日多閒放。鬼參
綉斧持霜，應有待知君。曾不為肥甘。

季兒到有感

幼兒三月自京來，纔得歡欣復動哀。報道女夫傾客邸，
更聞孫婿歿天災。毛門將見虛甥席，謝氏應嗟失俊才。
萬里滇南添此恨，白頭何處是開懷。

立秋感懷

視日曾嗤怯，老催金風忽。報早秋來，便添戶外垂聲碎。
不住堦前木葉，頽張翰、尊鱸思正切。潘郎魚鳥，與偏悲
不愁。松菊荒三徑，負却蒼生，媿朽才。

和王臨安

惠政因風報，我知步履無。分得追隨去，儲總為生民聚。
賑急還從樂土移，作則正須同志友。感情偏為寄來詩。

黃堂政事兼文事老倒慚平總未宜

用韻自寓

心如閱道只天知肯為功名却詭隨
花外別愁從酒散客邊孤影共身移
夷民稷化偏干政故舊悖情每寄詩
歸計幾時酬素願草堂泉石最相宜

寄王臨安

感時傷別不勝情坐覺年華又一更
踔絕喜君勝屏翰不才老我滯山城
清樽共酌滇南水白首恒深渭北情
追憶當年同粉署幾番歌枕夢難成

壽王通府父九十三

九十餘年矍鑠翁幾番仰德未親容
五更有道人爭憲三壽為朋世所崇
清白教行知有子歲寒身健定還童
緘達致長生祝八百籤鏗許並蹤

師宗再撫

去年秋日此驅馳今歲重來春正初
天宇又回新景色或心終困舊迷途
此行只仗忠和信何日能收梗與通
非是腐儒不用武要宣恩澤去生枯

師宗遇雨

兀坐行窩百感生此行直欲免興丘
俸盃謾自思籌策攪扇何人是老成
重霧不堪連日暝老天何斬幾朝晴

一聲霹靂春交候盡掃頑陰見泰亨

同劉指揮撫夷

縱轡行行郡治東雨餘山色半朦朧頑冥不改蠻夷性
撫字頻勞府衛功豈是將軍不好武日誇太守善和戎
春風有意來迎旆故遣桃花發咲容

憶親偶成

遺龍公親是此身身存能不憶雙親生前慈愛嗟何極
夢裡音容總未真 褒贈典章曾荷錫笈蕃儀禮未能
陳功名兩字渾閒物底事淹淹大係人

送趙司訓

幾年燈火究遺經喜得官爲典教行萬古共知師道重
幾人曾擅講堂名泮芹香裡春風煖壇吞陰中木鐸聲
草訝邊城荒遠地成才由學不由生

吳都憲淮休致

歸休得遂荷都堂解却腰金促去裝散誕獨欣公事了
驅馳寧恤路途長一川花柳春浮綠三巡松筠晚更蒼
點檢從前心不愧任他讒謗亦何妨

鎮遠發舟遇新漲

鎮遠城東曉發舟滿江新漲正平流灘聲不作澎瀾怒
櫓手能爲款乃謳夢寐只知家去好險夷都向眼前休

親榮官 誥身金紫莫大 君恩愧未酬

發辰州

辰陽留滯月將周兀坐蓬窓悶更悠暑氣正當三伏裡
歸心常急五更頭浮雲過眼功名薄晚景投閒詩酒休
催促舟人忙舉棹瀟漫正喜漲洪流

過洞庭

水國秋清望裡平南風作浪起層層百年身共千金重
萬斛舟如一葉輕瀨氣遠連雲夢澤湖光浮出岳陽城
曾云險阻今無滯沽酒何妨醉復醒

和杜職方春日偶興

崎嶇夷坦信前行世路寧如春色平紅白花枝風力軟
高低草樹霽光橫眼前樂事曾非少身外浮名識破輕
最是催人光景速重來辛酉又過正

舟中偶懷

蓬窓兀坐數心知除却蒼天更有誰流水世情磯不可
青山老我坐成痴居官兵暑慚無補家在文汀嘆久離
寂寞松楸先壟遠年來無日不與思

用前韻東劉舉人景輝

萬里雲遙北已行曾從三五羨昇平趨時肯逐侯門駕
淑後能將講案橫霖雨感時知有待浮雲世事到來輕

共憐樽酒論心處此日驚看又歲正

舟中偶興

畫船槓鼓返金陵目極鍾山指日程新水一江烟浪白
和風兩岸柳堤青塵愁絆我嗟難遠公事勞人喜告成
浩蕩君恩無以報草堂綠野又關情

過淮

孤帆掛雨過淮陰五月全無暑氣侵竹筍漫餘新葛製
蓬窓猶擁舊綿衾軟泥沒脛邊江路高樹歲鴉隔岸林
回首金陵驚漸遠望遙北闕五雲深

過皮溝

皮溝閣下偶停舟萬舸漕艘滯淺流尚往罔非爭進取
緩行寧惜暫淹留雲屯野樹晴光動雨過蓬窓暑氣收
閒把世情來點檢此心覺得便休休

雨中寫懷

涼風吹雨晝陰陰舟過南陽到棗林工事勞人曾未了
離愁動念頗難禁雲山多在吟邊好故舊惟於夢裡尋
自是報君心尚壯髮毛任與雪霜侵

趙村寫懷

漕運南來百萬艘閘河惟喜水頭高邊陲自是須屯戍
區畫遠應屬俊髦世道只今誇豫泰聖心慮遠正懋

勞瘁亭亦自奔王事懷切朝昏意頗切

直沽寫懷

王事驅馳可自由俄驚夏去又新秋
下河內積波方溢蓬戶風清暑漸收
勝槩毋將收肺腑聞愁曾使上眉頭
勞形案牘批停處也學跣趺坐餉休

連窩阻風

公事縈心日未寧况兼風雨阻趨程
新涼向客來偏早舊服加身厚亦輕
沙鳥亂翻尚下影棹歌無復短長聲
未曾盡作蕭然態歌遍新詩酒更傾

先考忌日以閏七月十五今偶值詩以紀哀

記得當年向此晨悲號直欲下從親
倉皇際難曾無措極力為情只稱貧
最是終身悲子卯那堪閏月又更申
蕭蕭風木無窮恨薄祿畚教愧此身

赤剝河寫懷

駕部叨官一載餘半從江上駐公車
鱉艘萬柁橫天塹衛署千營傍水居
餒削膏脂憐赤子飄零檣盾散紅渠
無虞警戒須軍政無限傷心愧簡書

吉祥寺寫懷

春風行李動經秋看到梅花歲又周
喬木夜寒歸老鶴長途風勁稱驂騑
曾聞塞鴈傳家信空憶江魚上釣鉤

惆悵不勝僧舍晚短檠燈火伴茶甌

和辛壁韻

爽塲軒窗僻靜房閒愁到此自消忘北來山勢烟雲聳
東去溪流日夜忙砌草已凋今歲綠籬花還發去年黃
上人爲我供香茗坐聽歸鴉噪夕陽

夜坐用前韻

晚來獨自坐禪房勢利心頭覺兩志公道從來隨顯晦
前程無用大奔忙長松蔭露頻添翠老菊經霜未落黃
漫振清商歌靡盬山僧爭羨鳳鳴陽

和王監丞韻雪二首

誰剪冰花散亂飄却輸異二駕瓊膏當爐神酒須頻進
隔壠尋梅肯憚遙君喜鏗金得句妙我憐嬰玉有人焦
感時因憶當年事滿服銀花返早朝

光滅簾櫳凍欲飄不堪孤絕此良宵倚門農喜豐年定
駐節人嗟去路遙宜麥宜禾三白外爲民爲國一生焦
肯將此日水霜髮却易丹心負 聖朝

登舟還任遇凍

西風連日作嚴寒凍結泥途更似乾行旅共憐須盡拆
舟人爭道水成團瓊林每向風前碎玉樹還宜月下看
家任南都無幾遠未能縮地望團圓

送熊大節出守臨洮

縣仁南都豈十年隼翅熊軾喜君遷苦寒地域應回暖
凋瘵居民定獲痊新水漾清歸望裡遠山飛翠到吟邊
持盃莫盡臨岐意要使龔黃譽更傳

送峽江毛憲還

冠帶榮膺志已酬秋風行李又歸舟客程未脫金陵境
鄉夢先登玉峽樓覽勝已高天下眼割繁曾出衆人頭
邇民有待敷新政林下寧容久滯留

耕讀為曾文英題

白畝菑畲滿架書便從清世老閒軀郊眠黃犢春耕後

篝掩青燈夜誦餘粗賦不煩胥吏索簡編還為子孫圖
一策莘野東風雨曾作甘霖遍八區

挽倪尚書

忠良天為國生玆歷任中朝四十春昭世文章臺閣手
匡時勲業股肱臣清名直步夔龍武高視曾驅丙魏塵
鶴夢不醒仙佩遠不勝悼感到 楓宸

送都憲楊一清

天語丁寧出 紫宸憲綱今屬老成人清霜入面群寮
肅白日當空四海春時弊積來勞滌洗政條乖后賴更
新秉鈞貞度歸風紀彝鼎行看勒茂勳

送楊光祿惟高致仕

方嶽巖廊久歷官，勲名無愧此心安。
乞歸只恐青山負，溫語還承紫誥頒。
膺有賢聲歸士論，幾多政跡著朝端。
松風磐石苔花徑，詩草應知帶醉刪。

送林職方厲瞻還部

遠馳旌節駐留都，絕世英才重宦途。
王事每看勤檢點，親情因得盡歡娛。
江雲冉冉從龍去，淮水清清映月孤。
歸覲龍顏應有問，爲言南土慎官俱。

題王峽阮氏竹溪

簞簞列翠俯清溪，偏稱幽人水竹栖。
不識塵寰來酷暑，却從盛世避邪躋。
清侵齒頰晨方漱，影碎堦庭日正西。
一曲滄浪歌罷后，只餘疑有鳳來儀。

東塘萬松窩

皓首歸來理萬松，繁枝還與舊時同。
集材小構聊成屋，結草爲亭謾寄蹤。
百態炎涼嗟世俗，一生清白羨家風。
丁寧繼述方來者，莫負開基太守公。

東塘耕讀

田可耕兮書可讀，身心兼養自從容。
杯盤狼藉聊爲樂，琴組蟬聯豈是窮。
功擬歷山今昔並，道宗東魯後先同。
老言傳示孫仍子，耜耒篝燈莫厭重。

送許正郎省親

公餘還掛老萊衣，養志堂高鳳閣闕。
西園盡靜中從散，詠江山嘉處許留題。
鄉書或寄秋歸鴈，客夢常驚曉唱鷄。
事竣時看朝謁去，坦平官道快輪蹄。

送謝顯猷

遠携書策客南雍，燈火辛勤百倍工。
聖域高明心不怠，賢關深遠道須充。
芹宮未許塵淹袂，絳浪將看鯉化龍。
歸到嚴君女，我謂明秋尊酒定相同。

橋成

上木為橋圮累經，擬將堅石堦新成。
車通南北無驚險

路接東西自坦平，杜預芳名人共老。
宋公華扁日同明，誰知一點經營意。
惠及民生信匪輕。

鳳池曉行

秋曉涼風妬葛衣，鳳凰臺畔石橋西。
六朝宮闕隨烟燼，一鏡河山入品題。
鄉夢幾迴傳旅鴈，鐘時復誤隣鷄。
江花野草元無意也，逐風塵到馬蹄。

和答周掌教槐六首

叨祿滇南地位偏，辭官歸隱羨君先。
趨炎喜見門無馬，藉暖原來座有氈。
三徑晚香開菊錦，一溪清影漾荷錢。
遙知暇日承歡處，濟濟兒孫繞膝前。

鴈湖佳地足優游山水餘清不外求詩思揮毫壇獨擅
酒香留客轄曾投花間雙鶴時爲侶水上群鷗或共儔
欲叙故情緣老倦此心空向夢中酬

道德元來總在心賢關聖域造何深溪山有趣供閒眺
風月無邊足細吟影落竹林隨杖屨香飄花徑襲衣襟
功名富貴皆長物一任時人嘆陸沉

與君青眼曾開別後年華過幾回此日詩筒蒙屢枉
何時尊酒得相陪感誇教鐸留遺響曾許儒冠不受埃
解組歸來心似水烟霞林壑任徘徊

歸來鄉里悉趨迎自笑衰顏不當榮幸沐褒封願上國

空留虛譽在邊城江山入翫仍前好風月隨行到處清
兩展焚黃 恩典重此心仰足慰平生

種樹惟期枝葉茂讀書亦欲早成名天垂老眼恩何厚
光被寒門福漸生未說明時巨社櫻聊爲前代繼簪纓
褒嘉忽荷詩章至擲地金聲滿座驚

別沈天章任瓊州

握手長亭嘆謫官山水水路漫漫事君寧畏天涯遠
化俗何憂海外難自是盤根別利器會從雲路振脩翰
人生最是相離惡送子南行却慨然

菊菴集卷第七終

菊菴集卷第八

七言絕句八十一首

送劉通府還楚雄

楚雄風俗頗淳和
况是黃堂惠政多
此日天曹書考最
雲霄梯筮正嵯峨

長樂鐘聲放早朝
天書捧出御河橋
分麾且爲滇民借
熊軾行看五馬驕

別羅璜

同舟初擬過南京
中道分離益愴情
岸柳青青鶯喚友
酒旗風急各奔程

口號辭鄭友名

曾看爛醉向春風何事重來召客封非敢故爲方命者
只愁靠損主人翁

和復鄭先生

曾辱高軒枉顧時柴門無主只鷓啼歸來連日添離恨
君在東庠我在西

久無佳客過衡門寂寞令人寡見閑忽向詩筒傳妙句
頓令胸次若披雲

和復魯齋福

平生自負五車書慷慨從來笑俗儒南北東西汝勝覽

幾回沽酒醉 皇都

和復陳璣

策馬當塗訪舊游客懷多是爲詩愁山花岸柳江城晚
風景依稀似石頭

泮池連日得追遊醉眼頻驚草色愁一抹晴烟溪樹杳
不堪離思掛心頭

文廟殿角鸛巢一夕傾鷹遂因之育兩雛而去

復有烏巢于講堂前之古栢育三雛而去議者
以落窠爲疑予曰傾者舊窠也成者新窠也且
生意若此非吉兆乎成口號二首

春風殿角舊巢傾却喜霜鷹新有成況是雙雛齊羽翮
秋空萬里看飛騰

鶴非鶴類空稱老鳥有慈名性却仁雛羽齊時朝鳳去
鶴垂雙翅却蹲身

黃山壁間和韻

四時風月日雙清俗慮渾無撓客情贏得禪關閒白晝
紅塵車馬任馳聲
風樓月殿不勝清一度登臨一放情山鳥也知留客意
隔窓時喚兩三聲

挽汪生洋

斧斤雷動殿堂東共道汪生好用功功亦未成人已遠
竹扉依舊掩清風

口號呈亢太尹覓匠

偶得香楠木小方欲成一几靜焚香未能和雇如唐相
便欲求工向縣堂

亢太尹宅觀竹

幾箇簟簾種得新虛心勁節更無倫應看指日登天府
待和蕭韶奏九成

疋馬行春惠政新眼中賢令許誰倫琅玕風細琴初罷
又見新詩七步成

用韻別諸生

諸生濟濟佩衿新，爲孝爲忠總大倫。壯志且圖成遠到，趨程何必憚風塵。

別徐瓚

年來共喜杜浮華，直欲齊驅聖路車。自畫自欺恒在念，暫時離別不須嗟。

送亢太尹三首

蕭蕭行李不盈肩，公事驅馳羨獨賢。自是胸襟寬似海，許多清興到吟邊。

蕭蕭行李不盈肩，分袂令人意愴然。莫道此行非遠別，

懷人真是日如年。

鄰封赤子亦吾氓，到處陽春是此行。只恐君歸民不舍，却從境上漫相爭。

題扇贈陳昭宣

深深一水淨無波，山樹重重野趣多。小笠短篷橫釣舫，得魚歸去樂如何。

題畫四首

槎枒孤樹兩蒼鷹，何事栖栖委劍翎。想待風雲嘉會至，凌空高舉快飛騰。

蘆荻花開瑟瑟風，水清沙淺下雙鴻。湖田晚稻江南景，

羨尔來回歲歲同

草色青青樹欲陰
綠漪深處泛文禽
應知有誓長爲侶
到老相親不二心

燕掠踈篁宿雨收
一雙鷓鴣載浮漚
海天空濶無矰繳
飲啄隨宜得自由

詩曾溯川

馨香德譽逼秋蘭
溪上鷗盟自歲寒
榮適勝常人所願
獨能無夢枕邯鄲

萬疊青山幾曲溪
交情隔斷許多時
寄來佳句如親面
幾度披吟益動思

憂旱

旱魃爲殃九陌焦
禱祈孤負辦香燒
爲霖謾說商賢佐
亦有隨車雨似膏

讀姑孰人文

半評人物半嘲吟
冲淡和平治世音
珍重觀風須採取
文明千古耀天心

急筆請羅氏九弟

黃菊初開色斬新
一尊擬共賞芳辰
殷勤相候茅簷下
聯壁輝生滿座春

楊擘使花園和亢尹韻

新冬已覺今朝屈菊園
還如九日時黃白滿前香不厭
清香和酒入金卮

九尹井成和韻十首

塵沙深處有清泉
一旦開通湛碧天
豈但甘霖能潤物
桔槔功奏亦同然

地脉潛通別澗泉
甃成剛是仲冬天
一陽回應地中復
汲得溫溫果信然

井鑿鄒亭已及泉
事雖人力亦由天
往來井井功施溥
也似枯苗得沛然

銀床玉檻抱清泉
午夜燈光上接天
莫把無禽拚舊井

甃新甃不是天然

二氣分來有此泉
地行寧復見青天
忽逢賢尹施開鑿
惠及斯民豈偶然

官道迢迢乏井泉
征人病渴在炎天
于民幸見當塗令
鑿出清甘色湛然

求泉掘地已迴泉
澄澈渾如我性天
自是源頭清到底
撓之不濁固其然

共誇新井冽寒泉
俯見光涵井內天
莫把管窺來比並
管窺身在井中然

賢侯詩思湧如泉
落紙雲霞燦九天
自是才淺多暇豫

勞民勸相又昭然

守俸長懷似井泉青氈坐對講堂天右文令尹多青眼
并潔時能我惻然

答謝默菴二首

別經春夏又清秋節序如飛不暫留
獨想默菴多雅趣

幾多詩草積床頭
歌枕南窓白晝闌柴門雖設亦常關
年來最憶雲山侶
詩酒那能日往還

約遊山不遂三首

等閑曾不事盤遊因擬登臨稱晚秋
人事不齊孤此約

朱簾空捲仲宣樓

兩度名山負我遊桂花香冷石城秋
無緣醉聽滄浪曲
明月滿天人倚樓

好山於我獨多情寤寐蘭亭一解纓
風雨底須妨客興
一年光景半陰晴

甲馬營阻雨二首

客中連雨最愁人宦達何如隱遁身
繞屋瘦田仍百畝
課僮耕歛未為貧

課僮耕歛未為貧雞黍尋常酒却醇
花徑竹籬多雅適
不妨對客日醺醺

和復夏冬官育才三首

郡庠東面隔烏臺，曾共持盃痛飲來。旌節昔聞重過此，趨陪莫及我何哉。

軒輿一別雨花臺，屈指俄驚兩月來。督稅未須嫵政拙，獨勞王事實賢哉。

芳名久播鳳凰臺，行部爭瞻彩鷁來。文事不因公事廢，詩成豪氣逼人哉。

李駕部畫圖小景

兩峰屹立碧千尋，花木森森野趣深。幽客抱琴何處去，橋南應是有知音。

和復杜武選

長安砧杵萬家秋，公署歸來獨倚樓。忽報杜陵詩我寄，便添離恨上眉頭。

解組歸田又歷秋，臨衢高起讀書樓。承家令子皆勤學，敢謂無人作狀頭。

世事升沉棋一局，人於天地寄蜉蝣。窮通在我皆無與，不用欣欣亦不愁。

和包武庫元日韻二首

爆竹聲中報早春，却驚又老一年身。知君詩興深於醉，賸有篇章紀歲新。

七年南部拜王春撲撲紅塵老此身獨愧青青窓外柏
累經霜雪色猶新

寄選部杜大人二首

偶逢星使故鄉來詢及清安笑口開林麓風高心自逸
不知佳句共誰裁

先生於我最情親令弟相看意亦真塞劣何緣此遭際
同胞皆得叙同寅

連窩阻風和劉主政韻二首

趨朝共喜際明時客路稽延忽動悲戀關幾回驚道遠
那堪風雨阻行期

多君英銳壯年時老我無能只自非獻績幸叨依驥尾
且將勲業共相期

夜起看雨霽偶成

爽逼孤衾二鼓時枕邊遙聽角聲悲起來四散看雲歛
料得行舟斷可期

次日發舟

浪靜風恬雨歇時客懷舒暢不須非信知萬事天排定
行止元來自可期

宜春紀夢三首

夜裡分明夢在家呼孫整理舊生涯浮雲名利成何用

仕路驅馳謾自嗟

仕路驅馳謾自嗟生平曾不尚浮奢家常曰飯後巡酒

一筋時蔬一盞茶

一筋時蔬一盞茶滇南萬里路何賒到官月日渾難定

心緒寧教亂似麻

過寧鄉二首

歷任兵曹舊帝京海門相隔路多程滇南道向寧鄉

過接待何因見好情

古水豐城與建昌同爲江右襲書香經過不一瞻丰采

別去令人倍感傷

寄龍陽余太尹

花封經過偶相逢一笑情真氣味同別後相思不相會

可憐宦轍各西東

馬底驛

山坡纔過又山坡險阻傳聞此去多謾道前村多美酒

皺眉其奈別愁何

寄李參將

客裡相逢二月春雙關青眼見情真別來雲樹重青隔

惟有丰姿入夢頻

早發彌勒過芭蕉村寓意三首

彌勒州中地儘寬
黎民應得不饑寒
何當盜賊頻搔擾
却使閭閻睡不安

居民稠密地田肥
譏有餘糧粟有衣
官府但能均惠澤
遐荒亦可致雍熙

此行專爲撫夷來
夷性痴迷信可哀
自是黃堂須革政
良心能不一時回

丙寅新正偶成

駕驂五馬擁旌旄
勞碌華如自在春
到忽驚時節改
老來猶爲利名牽

幸思浩蕩彌中國
夷性冥頑恃極邊
多言莫能成撫字

不勝慚媿向誰言

慰王通府哭子

抱中英物忽成災
堂上慈嚴苦動哀
夭奪幼年無足恤
探環羊祜許重來

聞吾孫伯溫鄉試中式

吾家七代住銀村
清白相傳世所論
三十年來三請舉
老夫之後子仍孫

銀溪常見說天荒
破却天荒我獨當
豈料子承孫復繼
筭來還是慶源長

菊菴集卷第八終

菊菴集卷第九

六言五首

黃山壁間和韻

掃禪榻兮風清
撥客興兮吟情
依古刹兮鶴夢
出疎林
兮松聲

題畫牛四首

牛懷舐犢私心
人有耽書雅趣
紅花綠樹相輝
却與桃
林無異

芬菲蒼翠盈林
蕩漾晴光滿路
舊聞閑喘何人
今日觀
圖近似

護屋森森綠樹浮
槎渺渺寒潭適有牽牛出飲偶逢佳
客清談

木落江空景致雲收雨霽時光借問騎牛何徃笛聲吹
斷斜陽

五言絕句七首

黃山壁間和韻

人與物俱清黃山有此情
追思開初日飛錫半空聲

和復潘先生

擢過期一箇聊叙片時情
番作參商侶令人恨未平

和復亢太尹二首

動定由情性言談都是詩
生平踈散慣此外更何爲
非惟施善政清興且能詩
說到知心處何勞再有爲

讀李烈婦傳

但欲全貞烈倉忙死亦安
吾徒能感激寧復媿儒冠

蠅溺茶盞偶成

逐氣尋香到紛飛最惱人
只因饑渴甚俄頃喪其身

過醴陵

萍鄉過醴陵途中多亂石
驕馬頗行遲客懷復何懌

詩餘三首

鵲橋仙送江司訓考績

分教太平而今九載何限春風化雨刮靡洋礪日勞心
造就得英才濟濟及瓜時去朝天獻績疋馬關山千里
龍顏覲罷看高遷把經綸從頭展起

一翦梅賀羅瓊納寵

檐帷經過衛河濱想箇佳人得箇佳人洞房深處暖如
薰人也新新景也新新鴛鴦枕上兩情親誓語頻頻笑
語頻頻管交吉夢協來春產箇麒麟抱箇麒麟

西江月獻茶

代作

賢士聿興善念華堂突起瑤壇星冠霞服珮珊珊都是
朝天粧扮旋煑蒙山香茗通靈賽過神丹大家啜罷勝

加餐正好除災捍患

菊菴集卷第九終

菊菴集卷第十

記四篇 序二篇

一樂堂記

陳君紹謙吾邑城南佳士也其父文若翁別號訥庵先世徙自烏江訥庵僅四葉代以詩禮相承爲縉紳名閥訥庵三子長紹恭次卽紹謙俱豪邁不羈次紹尹邑庠生勵志于學皆余所素交者成化己亥余歸自京謁廡下父子畢出崇敎具酒引滿痛酌盡歡而散暨余上春官就令職隔越又五載矣甲辰春紹謙以訪舊至首詢家慶如故嘆曰孟氏所謂一樂君其得之謙亦劇然

喜動於色居月餘將還乃告曰羣君子教茲歸欲以一
樂名堂願終教之俾父母兄弟皆有所資承且昭不朽
嗚呼是樂也豈易言哉夫父母兄弟天下皆是也然脩
短異焉聚散異焉饑寒勞苦相驅迫焉欲盡孝弟之道
以求其所謂樂者不可得矣使生聚而壽且富矣親或
不慈子或不孝兄弟友于弟第弗克恭厥兄傷恩闕墻
求免憂戚且不可樂安在乎紹謙以宏博之量傑特之
才通變之知識凡有所爲必稟命于親詢謀于兄弟田
園池沼場圃廬舍之屬悉葺以拓壺觴俎豆之供吉甘
滫瀡之味取之左右無不足者訥庵七十有九步履矍

鑠有司每賓禮之母歐陽氏亦七十有六偕老無恙兄
弟相視如手足風晨月夕埵篴遞奏絲衣戲舞一堂之
上謫如也是樂也非陳氏之獨樂與矧紹謙之後子姓
彬彬慶澤流衍悠久弗替名堂之義不益顯於他日乎
余雖爲紹謙頌實爲嗣謙而興者期

澹齋記

永豐之西十五里曰閩溪鍾氏世居焉鍾之彥徽倫別
號澹齋歿三十有二年矣厥孫廷曜走數百里至南畿
屬言以記惟澹之爲義恬靜而已武侯戒子之言曰非
澹無以寧志徽倫其取諸此與余聞徽倫性資稷稷讀

書好文兄徽猷中永樂癸卯鄉試歷仕建寧府學教授弟徽言授洛陽縣典史獨徽倫不樂仕進陶情林壑恣意江湖擇交慎取與於寵榮聲利若浮漚起滅漠不動於中其有得於澹之義多矣鄉隣有鬪輒曉以是非利害使知乖爭之無益聞其言者氣以平忿以解風俗漸以淳厚澹之足以感人如是哉徽倫歿久矣廷曜請言以彰先德其亦有得於心乎使後之子姓皆若廷曜世其家法鍾氏之興其有窮哉夫澹則寡欲寡欲則志寧志寧則心泰心泰則身端身端則舉而措之家國天下矣澹之時義大矣哉詩曰無念爾祖聿脩厥德於鍾氏

後之人有厚望焉

家慶圖記

正德戊辰予以雲南廣西守致政八月二十有八日舟次萍岐長兒榮以浙江布政司經歷先二年奉例養母家居孫伯溫以進士除浙之紹興府推官便道歸省先予四日抵家聞予至皆趨迎江潁越翼日今次孫齋捧誥命前行蓋前任車駕郎中時所請給吏部附至雲南者也予三人各乘馬以隨亭午至家褒贈有 慈書之賚赫親雖云歿亦得沾恩於地下一門聚三代之衣冠初雖散處咸獲相見於目前禮度雍容銀黃照耀于姓

姻戚皆登堂拜慶歡聲喜氣盈溢戶庭小可謂一時之盛矣因思吾毛氏其先浙之三衢世家始祖諱讓南唐大理評事進工部尚書致仕子諱休仕宋銀青光祿大夫國子祭酒兼殿中侍御史守吉州迎尚書就養不幸捐館治裝將行州人遮道留之適地師曾顛以九都三兆獻其山形堪輿家謂之風吹羅帶者遂從而葬焉築室於墳近以居地曰龍城吾邑有毛實自茲始厥後書香綿延有中拔萃科者祥符進士諱應佺也有中童子科世稱為神童者皇祐進士諱君卿也有天聖進士復中拔萃科居喪哀毀奉 詔旌為孝子者諱洵也荷

仁宗親賜濟美堂御墨猶存者景祐進士諱偕也與朱文公同榜明徵有錄者紹興進士諱惠直也此其顯者其他或父子聯科或弟兄接武內而侍從法曹外而州郡眾職不可殫計龍城之盛在宋蓋如此歷世既遠族屬眾多漸次徙之四方而龍城遂棄為廢址科目亦寥寥數百年矣高祖諱游字復初為尚書十四世孫自龍城之越田復徙銀村子又復初公五世孫也其間豈無志科第卒禾見其成至予由成化丁酉鄉貢歷官郡守榮由丙午鄉貢歷官藩經伯溫由戊辰進士任府推官一脈書香三葉相乘直三十年間事耳非前人慶源之

深長曷克臻茲雖然慶源尚矣學問之功尤不可誣爰命工繪圖名曰家慶一以紀毛氏科目復興之感一以詔示後人後之人瞻是圖也能無動於心乎勤于學者由是益勉怠于學者由是思奮上之立德次之立功立言各隨其質以成其身固不但科目之繼續而已嗚呼為吾之後人者其敬念之哉

世義記

謝君克選銀溪傑士也性稜直敦尚文儒見義勇為不以利害沮惟勤惟儉家產日益殷富每年饑里隣貧乏不給者輒貸之不計其息予六人長顯聞次顯簪晉顯珎

顯猷顯昌顯度俱天資曠達宰相振立正德丁卯邑宰凌公因倉廩空虛乃走書幣請君君欣然應之出穀二千石無難色聞之巡院義之令邑具奏戶部乃行撫臺許表厥宅越已巳凌尹復舉顯簪納銀備賑遂得冠帶夫富不足尚也惟義之尚父子相繼此世義也夫義者宜也積者散之宜也貧者濟之宜也君者忠之宜也故曰未有義而後其君者也又曰未有好義其事不終者也夫苟好義必急其君急其君必終其事終其事必濟乎貧濟乎貧必散其積故曰義也義而世之是可尚已

作世義記

送丁德輝守石阡序

蒙化丁公德輝以南京庫部正郎擢石阡郡守命既下有惜公者曰石阡僻在西南去京師遠甚所屬無州縣惟長官司四儒學巡司各一賦稅徭役徹訟供億俱簡公大才也何用之小柄銓者其未當與曰非也石阡古蠻夷地我

太祖高皇帝混一區宇始入版圖長官之職世襲以土民一郡之政悉統於守編氓漸濡聖化雖多淳厚夷性未必盡革學校陶鎔德教雖多傑特苗習未必悉去使守失其道離叛易生可不慎與夫郡守者民之師帥也

使民安其田里而已矣何必剽理繁劇然後為才邪公敏達通變登成化戊戌進士拜南京選部主事擢正郎既而援例歸省還任改武庫尋以憂去起復仍補前缺未幾有今擢前後三歷正郎食俸僅二載耳亦可謂速矣然公視之漠如也惟曰郡守難郡守難夫知盡職之難則所以為民者當無所不至矣不剛而雷不柔而縱將息化養於範圍之內品節防制於馴擾之中石阡雖夷將無弗化者其賢名豈不尤彰彰也哉此固鈐部用人之微意也由是而進藩臬臺省計時可得又豈又於石阡邪公戒行有日同寅諸君命工繪圖相率賦詩以

贈屬序於予顧予無似僚誼之篤有不容諉者爰書以
弁群王

送張起海南還序

吾邑南去四舍許地曰明善張氏世居焉張之彥曰超
海幼穎異甫弱冠執政者見其年少行篤強之從事
超海勤慎守法事無不舉上下頌之踰六載例應謁選
乃以母老力求終養起居甘旨子職所宜盡者靡不
周悉享年八十有二以天年終壘齋以禮人子之事畢
矣弘治壬子以里役貢賦南都訪予公宇其髮皓如其
貌癯如嗚呼予與超海別三十年矣今始獲聚其感嘆

歡叙當何如也越月筆竣造余言別老子云仁者贈人
以言予未足爲仁人言可文乎夫貴者人之所欲也孰
不取之孝者人心之所同也孰能盡之超海之於貴也
可取而弗取拳拳焉惟事親之爲務其尚恬退敦大本
過於人遠矣且一里之稅幾何罔敢他托躬自賦焉其
忠於王事又如此語曰事親孝可移忠於君其超海之
謂與茲歸也付家計於肖子置塵事於物外或有輿或
款段或竹杖芒鞋朋儕相與優游烟霞泉石之間予以
保養太和傲倪八極視久羈宦轍役役簿領者其勞流
何如也因書爲序并係之以詩

菊菴集卷第十終

菊菴集卷第十一

雜文十四篇

司訓黃時憲行狀

吉水槎溪黃脩衰經泣拜請狀其父時憲行實予於特
憲生同鄉學同道官又同列嘗以林泉歸老相期待茲
忍形於言哉然不容於不言耳按時憲諱聰別號準齋
其先撫之臨川人因仕遂家邑之梅林至十世祖端拱
徙槎溪傳曾祖明遠祖蘭友父顯通皆隱德弗耀母陳
氏有懿行生子三長英冠帶次美明經累試不捷次卽
時憲時憲幼穎敏甫七歲入小學遇書成誦十有七歲

補郡庠生熟能經綽有遠志家雖薄確於自守無毫髮
不足之嘆惟尅意於學爲文必根於理不詭隨流俗非
義不苟取予廿有二歲喪其父哀痛一遵古禮每讀書
暇思及父母殊途兄弟不能聚處輒痛哭不止同門者
悉驚悼賦詩以紀之暨廩食日以養母兄英卒撫其孤
侃過於所生侃疾甚謂兄祀不可絕也籲天致禱求以
子代遂瘞毋陳歿毀幾滅水漿不入咽者六日里人
蕭維聞而傷之乃以粥勸食進少許得甦隸葺廬於墓
側苦寢塊枕經帶不脫糜食之外雖蔬果弗食旦暮至
墓所拜哭涕枯面墨有不自覺者服闋造履愈篤凡子

姪冠婚必循禮制歲時祀先必誠必敬所交若羅一峰
張東白輩其稔者往來切磋期以大用夫何天定其分
操觚入院者八竟未見收於主司可慨也成化乙亥應
貢試大廷居優等補當塗訓導益嚴師道御諸生懇
切告教先德行而後文藝凡浮浪不德之習痛革之以
故承學翕然向化有不欲斯須離者後二載予亦承乏
太平郡庠日相往還鄉情益敦觀其言論設施雖職清
冷而剛方正大之氣未嘗少變其養之素固如此今夏
忽遘疾始三日予往視之答問如平時屢再宿捐館矣
時五月七日距其生正統乙卯五月一日也配鍾先時

憲卒繼劉繼宋後時憲十有九日亦卒子四儒早世次
卽脩次任女三長適曾吉臻次李某次謝某俱鍾出宋
止生任尚幼嗚呼生無益於時死無聞於後耻孰甚焉
時憲孝友純至頌之無間言其他善行人皆所難及其
聞於後必矣顧予何足以狀之姑述其槩以俟墓銘者
采焉

賀朝通字說

永新賀氏之彥名津淵其字讀書好禮卓犖不羈深
爲鄉里可重今年夏厥姻蕭國士乃以其字請說於予
夫名命於父實則字之使不知其說則不能思其義以

成其名字之有說尚矣按津濟渡處也通者達也夫道
之在天下達道也遇江河則間矣使無津以濟之則一
水之隔邈同千里何以通爲孔子大聖人也亦不能不
使子路問焉譬之人虛靈不昧天命之本體未嘗不通
也氣拘物蔽通者塞矣必操存必涵養必省察克治以
濟之夫然後所行各適其宜無徃弗通故曰天下之達
道也津也其思濟以期其通也哉

賀王廷鸞上梁文

干戈倒載共誇海內之昇平歲月惟良快覩人間之翺
造玉師雲集斤斧雷鳴恭惟某新居東道足下吉水名

家槐堂傑士成家立業謀爲允賴於嚴君振後光前綜
理實資于慈母財利源源而不竭聲華燁燁以騰芳廣
厦千萬間因斲壞偶圖於改舊胡椒八百斛乘勢力容
易於更新得梗楠杞梓之良材鳩規矩準繩之哲匠大
爲宋細爲楠用之咸適其宜近者悅遠者來奔助舉無
或怠歸然畫棟之擎天燦若朱簾之捲雨正好叙天倫
之樂事何妨設日會之華筵寬宏兮遂燕雀之交歡壯
麗兮蔚芝蘭之競秀少年人物乃能如此施爲老人才
孰敢同其做作閭閻出色城郭增輝

兒郎偉梁之東鷄鳴紫陌曙光濃雲葉收餘天四朗陽

鳥飛出一輪紅 西 大江流水接清溪晴日漾波金

閃灼風帆逐浪去如飛 南 文江一派水如藍流到

金陵千百里朝宗東與海潮參 北 龍江關外波光

白錦纜牙檣百萬艘朝天客共經商客 上 覆憐無

涯天浩蕩夜來雲斂試凭欄舉頭端可摘星象 下

酒滿尊壘書滿架有時開宴聚群英雄辨高談悅情話

伏願上梁之後百福攸崇諸祥畢集爰居爰處穩如磐

石之安乃寢乃興迥若包桑之固乾坤悠久風月同清

彭惠妻像贊

婦容既飾婦工亦齊安詳婉順得常得宜課賢配克

後代相夫子致用 明時富家大吉內助之資早我
範偉矣女師噫此所以深居閨內而芳名自爾其遠垂
也耶

羅凱行樂圖贊

胸吞雲夢德重圭璋陶情山水芥視巖廊發焦桐之雅
操携細帙之佳章眇長松而寄傲侶孤鶴以徜徉人皆
擬之以西湖處士我則稱其爲諸葛之臥南陽也耶

張鐸像贊

温然厥貌挺然厥軀言辭灑落襟度坦如耽烟霞於林
壑縱雅意於江湖悅親朋以尊俎輕軒冕於泥塗循禮
法馳鄉邦之譽荆基業垂久遠之謨人皆自其爲三灘
之大隱我則謂其爲商山四皓之徒也歎

羅厲文待漏像贊

靈鬢醜顏克然其氣禮冠朝服偉矣其容傲慢不設於
外兢惕恒存於中一襟清露兩袖天風是蓋俟天九門
之漏徹接鴛鴦班而入覲 宸聰噫隨所職而嚴見君之
禮如此復何必論祿秩之卑崇也耶

黃壽官贊

早業詩書知止有定積歲潛心聖涯涵泳宜諸口者儒
言形諸身者儒行綱常賴以發明家族因以規正蹤覽

五湖咏歌三選神不渾而獨清氣得養而益盛此所以
年高德劭膺冠帶于 朝廷之寵命也耶

策問五道

問爲善獲報理固然耳好生惡殺乃爲爲善然伏讀
御製爲善陰隲所裁亦不能無可疑者如舉一二人之
若叔敖兄兩頭蛇殺而埋之隋侯見蛇被傷治而活之
一則以殺物爲心一則以生物爲念何皆謂之爲善而
皆獲其報歟請陳其說

問高陽氏有才子八人高辛氏有才子八人之十六人
者在唐堯盛時已著其名矣何不見用於堯至舜而始
舉之及其旣舉未知其授者何職所委者何政而收何
效歟其爲我告焉

問溪唐固非一二可悉然先儒之評論惟董仲舒謂其
度越諸子諸葛亮謂其可興禮樂陸宣公謂其美於天
民果何見之願舉其實以對

問刑以輔治自古有國者不能舍是以爲政而今之刑
部卽古之士與司寇焉然有虞之時明刑旣設士師矣
而秩宗又有折民惟刑之寄何今之禮官無所謂折民
之刑歟有周之時掌刑旣設司寇矣而司徒又有八刑
糾民之責何今之教官無所謂糾民之刑歟願聞其故

問堯舜禹湯文武相傳之道不過一中然考之堯舜曰
執中成湯曰建中是已而文王則曰敬止武王則曰建
極何歟孔子承堯舜禹湯文武之緒者也其告曾子又
曰一貫告顏子又曰克己復禮何歟顏曾於聖教得其
宗者也而顏子稱夫子之教曰博文約禮而不及克復
曾子傳大學曰格致誠正脩齊治平而不及一貫又何
歟諸生潛心於學必講之有素矣其明以告我

自撰墓志銘

太守名超字儀超別號菊菴姓毛氏本浙之三衢人始
祖讓宋工部尚書子休國子祭酒兼殿中侍御史守吉

州迎父就養卒塋九都遂家龍城子孫由進士諸科大
盛于宋十四世孫復初始徙居銀村子弘巽生昌後昌
後生叙倫以超貴贈奉直大夫兵部車駕司員外郎配
張氏贈宜人超幼孤才立幾不能存自知向學成化丁
酉發解京闈累官兵部郎中雲南廣西府知府配劉氏
封宜人子三長榮成化丙午舉人歷官浙藩經歷娶南
華楊氏子四伯温正德戊辰進士河南道監察御史娶
謝氏男一聘蘭溪曾氏女一伯洪娶楊氏男一女一俱
議謝氏伯滋娶馬田陳伯淵田心郭次男華先娶陳氏
生伯淳娶袁氏子一繼娶劉生伯清娶謝氏次伯潤伯

澄幼男英先娶江氏繼楊以姪伯潤爲後宜人宣德
辛亥十一月六日先於正德辛未五月八日終享年八
十有一太守生宣德庚戌十二月四日終正德癸酉二
月二十有九日享年八十有四合塋本里東塘坑癸山
丁向太守先自爲墓并志虛歿時年月日并虛祖考諱
以俟補書女二長適謝正用次適曾譽芳孫女一適曾
勝嗚呼十五失怙伶仃孤苦夫婦辛勤長成子女二千
石不貴乎八十踰不壽乎銘曰孑然之孤幸存毛祀身
及子孫登科入仕偕老全歸含笑而逝

菊菴集卷第十一終

菊菴集卷第十二

祭文十五篇

祭南京刑部尚書周宣文

淵源其學松栢其姿早登甲第致用 明時邦之柱石
公爾忘私終職司寇光照南畿旣而得謝遐算惟宜胡
天失祐一老弗遺泰山其頽哲人以萎所喜濟美有兒
班聯清要有守有爲純德至孝料公之心九泉含笑嗚
呼歿者何憾存者傷悲薄此一奠痛哭以詞

祭尚書李本文

越人才學蓋世功名海天其量冰玉其清秉心正直施

政公平宜膺懋祉安享遐齡夫何一疾遽隔幽明輒車
載道萬里歸程溪山悽愴草木枯零忝為官屬能不傷
情臨江一酌用表微誠

蜡祭文

惟神耕稼之司功昭于世百穀用成阜我民利某等忝
牧茲邦未遑報祀維茲季春庸陳薄祭尚冀諸神毋我
遐棄苗之為興者藉神以培苗之為蓄者藉神以禦

祈雨文

惟茲民庶稼穡是依或耕或種費及其時夫何今夏雨
澤愆期田皆坼裂曷可鋤犁秧苗枯萎功亦奚施某等
子民忝職倍切憂疑政非有失何以致斯爰率僚屬敬
禱神祇釋其灾咎錫以恩輝天瓢大瀉旱魃祛除枯者
以秀萎者以滋毋作神羞慰我焦思

祭八蜡文

國之所資惟民為本民之所賴惟食為天顧茲二麥徧
野連阡方吐穗以敷榮民曷勝於欣喜忽群虫而傷害
民倍切於憂煎樂豐憂旱固有司之分愿禦災捍患亦
爾神之當然茲當大索勿自為愆蠹蠹盡去生理全還
實取實好報爾有年

祭姚郎中宏瓚文

嗚呼公以光明正大之學磊磊通變之才入官兵部十五年于茲矣不於威而懾懦不於俗而詭隨不徇物而苟取不枉道以爭馳謹言辭於和緩曠襟度於坦夷凡同僚如其等相接雖有久近皆樂與之處心則相契謀則相知善則相讓過則相規正宜寅恭同協少裨治道之萬一也詎期是歲之夏公以疾告退居兩月溘焉長逝嗚乎哀哉公遽止於斯邪論公之壽五旬又九而有克肖之子固不爲天論公之貴位列大夫而勉封贈於親亦不爲卑是宜含笑於九原無復遺恨矣但吾儕之悼友而不勝其傷悲嗚呼輻輳車載道執紼者誰舉家行

哭風露淒其寫此哀慟薄奠一卮昭明如在其鑒於斯

祭守備陳太監文

才堪致用德亦匪輕列官內侍荐沐寵榮繼膺

簡命守備南京心存寬恕政出公平軍民仰賴異口同聲中貴若此瑞鳳祥麟允宜悠久安享遐齡詎期一夕仙夢弗醒訃聞中外孰不傷情薄此一酌永隔幽冥

祭范郎中母

惟靈以貞莊靜一之資柔順慈惠之道歸配大家年已躋於七袞矣雖中道遽失所天然克端內範綜理家政有非尋常之可擬且篤於教子博洽經書奮身甲第歷

仕南都公勤厲幹綽著嘉謨所以荷 朝廷之褒寵
封贈而光顯閭閻是又出於尋常遠矣夫以大宜人之
德之善光益前而振於後如此則今雖逝也名何泯焉
身雖歿也心何憾焉其泰與令郎同官同道聞訃之餘
曷勝傷悼寄奠以酒侑哀以詞昭明不昧庶其格思

祭李郎中吉夫文

惟公世德之裔文學之英芹宮發迹金榜標名出仕南
都班聯部署十載于茲聲華綽著人於宦達自專者多
公處僚案春風其和事無巨細寅恭同協政務以舉奸
邪以懾人於宦途親或不存公有賢父八旬其尊

誥勅褒封恩光照耀為子至此可謂克孝他行之美莫
罄名言紆黃衣紫將欲高遷一疾忽遽退居調治甫六
經宵溘焉長逝舉家驚悸哭動天涯於世何忤遽爾拋
離友朋咨嗟益切悲痛共惜長才弗獲顯用嗚呼哀哉
輜車載道丹旒揚揚英魂杳杳去路茫茫某等執紼未
能徒增慘惻寫此哀悰千秋永訣

祭三原王天錫文

惟靈以淳朴之資篤實之學入仕南都十年于茲矣存
心不苟制行不阿酌事情惟義處僚采弗剛正宜顯擢
衣紫紆黃夫何一疾遽爾云亡况有嚴侍太保配

園八旬有四康寧無恙于今逝也獨不傷其心乎又有
賢良之弟秋榜春魁璋聯科第列職諫垣而期同立不
世之勲兄今逝也獨不傷其心乎嗚呼哀哉輻車載道
妻子在傍朔風千里丹旆揚揚臨岐一奠清淚沾裳

祭周武選母龍太宜人

惟靈性資端靜婦道孔佳中饋之貞吉于而家早失所
天辛苦備嘗提携諸子教以義方濟濟成才咸克樹立
其掇巍科尤人罕及列職部署蒞政南都盡忠之暇惟
孝之圖優游祿養承歡益篤貲貲封 恩典兩出明廷閨
壺生輝三族以榮顧茲福履宜獲長康詎期一夕條爾
云亡子孫在側痛裂肝腸歸櫬有期祖祭在道某等令
郎同僚徒切悲悼寓哀以辭一觴是效

祭李都憲德馨文

惟靈淵源其學通變其才早登黃甲多士之魁始入諫
垣愆繩繆糾出叅大政政化流宣方伯旣擢都憲尋遷
軍民被澤罔圉無寃名動 宸聰方隆眷顧天弗憖遺
竟歌薤露某託知旣舊沐愛尤深吊祭未致悲慟無任
乃輟塵紛專造靈席舉奠一觴用殫薄意

祭顧先生文

惟靈質得其粹氣得其清才華磊落局量恢弘飽六經

而博通今古奮秋試而遠近馳名厥初也司訓郡庠非
故爲是小用決疑難指迷途蓋欲成就於後學其後也
入官王國雖未及於顯庸格非心陳善道亦爲禪替於
皇明第處心不拘拘於宦達飄然慕閒散以陶情歸依
故里笑傲金陵風晨月夕尊俎棋枰長歌短句援筆而
成所喜者有賢哉之令子繼芳躅以蜚英爲郎官而輝
映列宿歷九載而訟理政平是皆公之餘慶所致而繼
述之有人則公之心寧不脫然而無所縈論公之壽八
旬有二亦可謂得天眷之隆論公之德老而彌邵宜其
永享遐筭於其躬夫何天壤山崩楚雨濛濛一觴薄奠

寫此哀衷

祭王經歷父藻文

富人之所欲也得之有命公未嘗妄求家業殷饒人莫
能儔貴入所欲也未之有道公視如浮雲篤生賢嗣什
路蜚英是公以隱爲尚而富貴自不能舍公他適也禹
里滇南聞訃驚悸寄奠一觴式將遠意

祭王正郎文

惟公明敏之材豪邁之氣既經史之貫通抑聖域之道
詣捷丙午之鄉闈登庚戌之甲第挺王立於霄漢振蜚
英於盛世入仕秋曹平反無滯再歷夏官軍士蒙惠衣

紫紵黃指，可至夫何二豎爲殃，良醫莫治，幡然而告歸，將抵家而傾逝，才弗大於設施，功未醇於素志，然而振後光前，喜有賢嗣公之歿也，尚復何媿。某等忝與僚末，聞訃驚悸，爰馳薄奠，聊見文誼尚饗。

菊菴集卷第十二終

得之於讀書窮理之餘，而發於性情之真者，情真則跡明，所謂辭達而已矣者，非乎先生幼孤且寒，勵志於學，其出仕也，清脩鯁直，有廉介名，勤勵精敏，有政事名，其在部署一時，同寅有所制作，皆出先生手，則文學名又爲當時推重可知矣，是集也。先生之子廷尉一木先生謹藏之，歲久蠹逸，亡者過半，承命而檢理者，則先生之冢孫。

大中丞東塘公也其謄稿則季孫伯淵其
正誤則不以無知而屬鳳焉於戲曄曄乎
沈沈乎使后之人不獨以廉介政事為先
生稱者其在是集乎其在是集乎

嘉靖乙未仲春之吉里姻後學周鳳拜書



敬書菊菴集後

嘉靖甲午冬伯溫居毋喪喪次見故篋封識甚密問故
乃知為先祖太守公遺稿吾父謹藏之者也亟啓視焉
蠹蝕者叅半矣嗚呼吾祖平生制作富矣茲僅存什一
乃復殘缺若此釋今不圖將漫漶莫考矣乃偕弟伯淵
諦檢而備錄之凡詩與文悉以體類請吾友周朝陽校
正謹梓之以傳不朽竊惟吾祖年十四而孤會家多難
日浸以貧乃自知向學刻苦自信不少沮輟於書無能
購輒手錄焉遇寒則篝燈帳中每讀至夜分或鷄鳴乃
寢積久帳之頂黔矣其學之所得悉不由師授今誦集

中諸體皆力追古作師授者或不及也可想見其用心
矣嗚呼艱哉今子孫如甘策肥書冊克棟類年延師訓
迪乃不知務學豈復念先世哉茲集之刻永前休也且
以勵後後之人無志則已稍有志焉讀是集也有弗感
弗興者乎越明年乙未正月既望不肖孫伯溫謹識

